



CONVENIO DE COLABORACIÓN ENTRE A FUNDACIÓN FEIRAS E EXPOSICIÓNS DE OURENSE (EXPOURENSE) E O INSTITUTO GALEGO DE PROMOCIÓN ECONÓMICA (IGAPE) PARA A ORGANIZACIÓN DA FEIRA TERMATALIA MÉXICO 2016

MEMORIA XUSTIFICATIVA

A Xerente da Oficina de Internacionalización do Instituto Galego de Promoción Económica (IGAPE)

DECLARA:

Que este Ente ten previsto formalizar coa Fundación Feiras e Exposicións de Ourense (EXPOURENSE), o instrumento convencional arriba referido por un período de vixencia que abrangue dende a sinatura do Convenio ata o 31 de decembro de 2016.

Que o instrumento convencional ten por obxecto:

Facilitar e apoiar a organización por parte de EXPOURENSE da Feira **TERMATALIA MÉXICO 2016**, Feira Internacional de Turismo Termal, no Estado de Coahuila en México nas datas 20/09/2016 a 01/10/2016. Uns dos obxectivos deste proxecto e fomentar o intercambio de experiencias entre os distintos continentes (especialmente Latinoamérica), dende o punto de vista empresarial, institucional e social, para obter unha perspectiva global do sector, co fin de impulsar o mercado estratéxico do Turismo Termal e de Benestar en Iberoamérica, sendo o seu obxectivo principal converterse nun instrumento de cooperación público-privada para o desenvolvemento deste turismo de saúde e benestar, tendo en Galicia o referente e o liderado para impulsalo a través das Institucións e as súas empresas. Termatalia defende a cultura da auga e nela teñen cabida todas as actividades afíns dende o recurso (auga mineromedicinal, auga de mar, auga común e auga de bebida) ata a comercialización da praza turística (coñecemento e tratamento das augas, consultaría, construción, equipamento de hostalería e os específicos dun balneario, turismo termal, cosmética, servizos de wellness, etc).

Que o instrumento convencional que se pretende asinar fundamentase no seguinte:

EXPOURENSE é o organizador da Feira Internacional TERMATALIA. Este evento conta coa Internacionalización concedida polo Goberno de España dende o ano 2005. A do ano 2015 foi publicada no BOE de 29 de decembro de 2014. TERMATALIA é a única feira especializada a nivel mundial que representa unha ponte termal entre Europa e América Latina, reunindo a profesionais de máis de 30 países. A Feira foi celebrada en 13 edicións en España e a nivel internacional foi celebrada no Perú no ano 2012 e na Arxentina no ano 2014.



O IGAPE é un ente de dereito público con personalidade xurídica e patrimonio propios creado pola Lei 5/1992, do 10 de xuño, como instrumento básico de actuación da Xunta de Galicia para impulsar o desenvolvemento competitivo do sistema produtivo galego e conta entre as súas funcións favorecer o desenvolvemento da internacionalización das empresas galegas e acordos con empresas estranxeiras.

A Xunta de Galicia en xeral e o IGAPE en particular, móstranse receptivas con todas aquelas accións que contribúan á internacionalización das nosas empresas, produtos e servizos que incidan no seu maior desenvolvemento. Este interese Institucional incrementase cando se trata de apoiar un sector estratéxico, como é o sector de turismo termal e de saúde pola súa importancia social e económica en Galicia.

Que o IGAPE, no marco das súas competencias establecidas pola súa lei de creación considera o apoio a organización de TERMATALIA MÉXICO 2016 que contribuirá a fomentar a internacionalización das empresas do sector de turismo termal e de benestar potenciando a súa saída ao exterior así como a participación nos principais mercados Internacionais, especialmente en Latinoamérica.

Que EXPOURENSE é a única entidade galega con ampla experiencia internacional en actividades termales e que ten asinado un convenio marco de colaboración interinstitucional co Goberno do Estado de Coahuila de Zaragoza, en México para a celebración de TERMATALIA 2016 polo que enténdese que non procede promover concorrência pública.

Que existe converxencia de intereses entre as entidades asinantes en orden á consecución do obxecto referido.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela